



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

Gavanti, Bartolommeo

Antverpiæ, 1646

De Commemorationibus. XI.

urn:nbn:de:hbz:466:1-40233

die audiat Missam de suo Patrono. Quod si quotannis hic accidat occursum, assignanda erit dies sequens in perpetuum Titulari illius Ecclesie, nisi ex priuilegio aliter fieri debeat. A fortiori cedet Patrono loci aliud quodcumque Festum Regularium inferioris classis, puta Conceptionis beatæ Virginis, si occurrat in Festo Patroni loci: quod eo magis patet, quia Festum Conceptionis cedit Dominicæ secundæ Aduentus, cui non cedit Patronus loci, *de Transl. Fef. num. 1.*

16. Officia concessa ad libitum in pari gradu cedunt alijs de præcepto, vel ex vi Rubricarum recitandis.

De Commemorationibus.

C A P. X I.

1 **Q**uartus prescribuntur in Breuiario in tit. de Commemorationibus: & Primò, quibus diebus, & de quibus Festis seu Officijs facienda sit commemoratio. Secundò, quo loco, in qua parte dñini Officij. Tertiò, quo modo, quâve ratione. Quartò, quo ordine, quando multæ sunt simul facienda. & de his singillatim dicemus.

2 De Feria maiori, de Simplici, de sancta Maria in Sabbato, de die infra Octauam, de Semiduplice, de Dominica, de die Octaua, de Duplice omnium classium contingit fieri commemorationem in Officio, ut ex sequentibus hoc eodem ordine patebit.

3 Nam de Feria maiori sit commemoratio, quando Festum nouem Lctionum in ea occurrit, neque umquam omittitur de ea commemoratione, exceptis Vigilijs quæ occurrunt in alia Feria maiori, puta Aduentus, aut Quadragesimæ; vel occurrunt in Fe-

sto Duplice primæ classis, quia tunc nihil fit de Vigilia, excepta Vigilia Epiphaniae.

4 De Simplici fit commemoratio, quando occurrit in Feria maiori, Vigilia, sancta Maria in Sabbato, die infra Octauam, Semiduplex, Dominica, die Octaua, & in Duplice per annum, tam in primis Vesperis quam in Laudibus, in Duplice Festo secundæ classis tantum in Laudibus: item in eiusdem Festi Simplicis primis Vesperis, quando cum eo pridie concurrit Semiduplex, Dominica, dies Octaua, Duplex per annum, Duplex secundæ classis; non autem quando Duplex primæ classis concurrit cum Simplici.

5 De sancta Maria in Sabbato fit commemoratio, quando cum ea pridie concurrit dies Octaua, Semiduplex, Duplex per annum (modò non fit Festum beatæ Virginis, ne de eadem fit Festum & commemoratio) Duplex secundæ classis, non primæ.

6 De die infra Octauam fit commemoratio, quando in ea occurrit dies Octaua alterius Octauæ, vel dies infra aliam Octauam digniorem, vel Duplex per annum, vel Dominica; non autem, quando Duplex primæ vel secundæ classis occurrit, exceptis Octauis SS. Stephani, Ioannis & Innocentij, de quibus fit commemoratio in Festo secundæ classis, eo modo, quo in Festo S. Ioannis Evangelistæ fit de die infra Octauam S. Stephani, & in Festo Innocentij de diebus infra Octauam S. Stephani & S. Ioannis, ex priuilegio speciali. Item quando concurrit cum sequenti die Octaua alterius Octauæ, Duplex per annum, & Dominica quacumque, non cum alijs.

7 De Semiduplice fit commemoratio, quando concurrit cum sequenti die infra

40 Comment. in Rubr. Breuiarij. Sect. III. Cap. XI.

infra Octauam, die Octaua, cum alio Semiduplici, cum Duplici per annum, & Dominica, non cum alijs.

8 De Dominica, quando in ea occurrit Duplex primæ aut secundæ classis, aut Duplex per annum, aut dies Octaua. Item quando ea concurrit cum sequenti Duplici per annum, aut cum die Octaua, non cum alijs.

9 De die Octaua fit commemorationis, quando in ea occurrit alia dies Octaua dignior, aut Duplex primæ vel secundæ classis, aut Dominica primæ vel secundæ classis. Item, quando concurrit cum sequenti alia die Octaua, Duplici per annum minore, & maiore, & cum Duplici secundæ classis, non cum alijs.

10 De Duplici minore per annum fit commemorationis, quando concurrit aut cum sequenti alio Duplici minore, aut cum die Octaua, aut cum Duplici maiore, aut cum Duplici secundæ classis, non cum alijs.

11 De Duplici maiore per annum fit commemorationis, quando concurrit cum alio Duplici maiore, digniore, per annum, aut cum Duplici secundæ classis.

12 De Duplici secundæ classis fit commemorationis, quando concurrit cum Duplici primæ classis, vel cum Duplici secundæ classis digniore.

13 De Duplici primæ classis fit commemorationis, quando concurrit cum alio digniore Duplici primæ classis. Hæc sunt quæ patiuntur commemorationem sui ipsorum in Officio diuino.

14 Ex dictis pater vice versa, quod Duplex primæ classis admittit in primis Vesperis commemorationem de Duplici primæ classis minus digno, de Duplici secundæ classis, de Dominica primæ vel secundæ classis, & item de

Dominica per annum, si illud Festum occurrat in Dominica, de Feria maiori, non de alijs. In Laudibus admittit commemorationem Dominicæ secundæ classis, & per annum, diei Octauæ, & Feriæ maioris, non tamen Vigiliae. In secundis Vesperis admittit commemorationem Dominicæ cuiuscumque, Duplicis primæ classis minus digni, Duplicis secundæ classis, & per annum, diei Octauæ, Feriæ maioris, non aliorum.

15 Duplex secundæ classis admittit in Vesperis primis commemorationem Dominicæ primæ vel secundæ classis, & Dominicæ per annum, si illud occurrat in Dominica, Duplicis secundæ classis minus digni, Duplicis per annum, diei Octauæ, Feriæ maioris, non aliorum. In Laudibus admittit commemorationem Dominicæ cuiuscumque, diei Octauæ, Festi Simplicis, & Feriæ maioris. At cur non dici infra Octauam? hæc enim maior est Simplici Festo. Sed ratio dispar est; quia de Octaua sæpius, de Simplici semel fit, quo die occurrit. In secundis Vesperis admittit commemorationem Dominicæ cuiuscumque, Duplicis secundæ classis minus digni, Duplicis per annum, Semiduplicis, Simplicis, diei Octauæ, diei infra Octauam, si de ea sequenti die fiat Officium, sanctæ Mariæ in Sabbato (nisi Festum sit beatæ Mariæ) & Feriæ maioris. Si sequatur aliud Festum secundæ classis minoris solemnitatis, de quo idcirco in dictis Vesperis fiat tantum commemorationis, & in eodem Festo sequenti occurrit Festum Simplex, tunc in secundis Vesperis integris praecedentis Festi nihil adhuc fit de Simplici; quia Festum sequens licet non habeat Vespertas, habet tamen ius in

in suis primis Vesperis excludendi commemorationem Festi Simplicis casus accidit, & ita respondi.

16. Duplex per annum maius in primis Vesperis admittit commemorationem Dominicæ cuiuscumque, tum Duplicis minoris per annum, Semiduplicis, Simplicis, diei infra Octauam, diei Octauæ, cum qua concurrit, & Feriæ maioris. In Laudibus admittit commemorationes Dominicæ, Festi Simplicis, diei infra Octauam, & Feriæ maioris. In secundis Vesperis admittit commemorationem Dominicæ cuiuscumque, Duplicis minoris per annum, Semiduplicis, Simplicis, diei infra Octauam, diei Octauæ, Feriæ maioris, & B. Mariae in Sabbato.

17. Duplex per annum minus in primis Vesperis admittit commemorationem Dominicæ cuiuscumque, Semiduplicis, Simplicis, diei infra Octauam, & Feriæ maioris. In Laudibus admittit commemorationem Dominicæ per annum, Festi Simplicis, diei infra Octauam, & Feriæ maioris. In secundis Vesperis admittit commemorationem Dominicæ, Semiduplicis, Simplicis, diei infra Octauam, Feriæ maioris, & beatae Mariae in Sabbato.

18. Dies Octaua admittit commemorationes, quas Duplex per annum minus. sed dies Octaua Epiphaniæ, Paschæ, Ascensionis, & Corporis Christi sunt Duplicia maiora, quæ habent integras Vesperas, & admittunt eas tantum commemorationes, quas concessimus Festo Duplici maiori per annum, si accidere possint.

19. Dies infra Octauam admittit in primis Vesperis commemorationem Semiduplicis, cum quo diuidit Ve-

speras, Simplicis, & Feriæ maioris. In Laudibus & secundis Vesperis admittit commemorationem Simplicis, & Feriæ maioris in omnibus, & alterius diei infra Octauam minus dignam.

20. Seniduplex admittit in primis Vesperis commemorationem Semiduplicis, & diei infra Octauam, cum quibus Vesperas diuidit, Simplicis, & Feriæ maioris. In Laudibus commemorationem diei infra Octauam, Simplicis, & Feriæ maioris. In secundis Vesperis commemorationem alterius Semiduplicis, Simplicis, B. Mariæ in Sabbato, & Feriæ maioris.

21. Dominicæ in primis Vesperis admittit commemorationem Semiduplicis, & diei infra Octauam, cum quibus diuidit Vesperas, & Festi Simplicis. In Laudibus commemorationem diei infra Octauam, & Simplicis. In secundis Vesperis commemorationem Semiduplicis, diei infra Octauam, & Simplicis.

22. Simplex in primis Vesperis & Laudibus admittit commemorationem tantum alterius Simplicis; alijs Officium cedit.

23. Sancta Maria in Sabbato admittit commemorationem in primis Vesperis, & Laudibus Festi Simplicis tantum; cedit Officium alijs.

24. De tribus Octauis fit commemoratione in vtrisq; Vesperis, & Laudibus, quocumque Festo infra eas adueniente, nimirum Natiuitatis Domini, Epiphaniæ, & Corporis Christi.

25. Ratio vero prædictorum desumitur ex maiori vel minori qualitate Festi: quo enim est nobilius, magis etiam habet de Officio, & minus de aliorum commemoratione. Dicamus nunc de loco facienda commemorationis, in qua parte Officij fiat.

42 Comment. in Rubr. Breuiarij. Sect. III. Cap. XI.

26 Fit commemoration in Vesperis & Laudibus post Orationem Festi, de quo fit Officiū; & si habeatur Lectio, vltimo loco legitur in tercio Nocturno ante Hymnum *Te Deum*. Modum commemorationis fusius explicò.

27 Fit hoc modo commemoration. In Vesperis sumuntur Antiphona, quæ est assignata Canticō *Magnificat*, cui additur Vers. qui dicitur post Hymnum Vesperatum, tum Oratio eius de quo fit commemoration. sumuntur autem vel de Proprio, vel de Communione. Eodem modo fit in Laudibus cum Antiphona Cantico *Benedictus* assignata, & Versu, qui habetur post Hymnum ad Laudes.

28 Si ex eodem Communi sumuntur commemoration, vnde sumptum est Officium, variantur Antiphona & Versus, ita, vt in Vesperis sumatur commemoration ex Laudibus, & econtra, nisi aliter signetur, inquit Rubrica de Commemoratione num. 8. quia in Festo sancti Hilarij in secundis Vesperis aliter res se habet, vt videre est in eo loco. Quod de Antiphona & Versu dicitur, intellige quoque de Versu tantum, vt varietur, si est opus, & similiter de Oratione. Neque refert, si pro commemoratione eiusdem contingat dici eundem Versum in primis Vesperis & Laudibus, vt in Festo S. Donati, in quo fit aliquando de translata Inventione S. Stephani; & pro commemoratione S. Donati dicitur & in Vesperis & in Laudibus idem Versus, *Iustus ut palma*, &c. quia in Laudibus nulla est necessitas variandi Versum de Laudibus proprium, vt patet.

29 Dubitauere quidam, An Antiphona ad *Benedictus* in Communi Pontificum & non Pontificum Con-

fessorum sint diuersæ, vt altera pro Officio, altera pro commemoratione in Laudibus deferire queant, quibus ego respondi, Initio esse vnam, in fine apparere diuersas: & hoc sufficit ad varietatem. quod etiam fit in praxi communiori. Habes nunc exemplum in Breuiario in Festo sancti Bonaventurae, & sancti Henrici.

30 Quæres adhuc: Quid agendum, quando in Officio de uno Martyre fit commemoration de Martyre altero, & inter Suffragia fit commemoration de Patrono item Martyre per Antiphonas de Comuni, quinam Versus dicendus erit pro Patrono? Habes exemplum in secundis Vesperris sancti Hilarij, vbi tres concurrunt Confessores. vtere ergo vltimo loco Versu vltimo secundi vel tertij Nocturni: & idem fiat, si quatuor occurant, adhibita Antiphona, quæ prima est Nocturni primi, & Versu Nocturnorum, qui non est dictus in commemorationibus.

31 Ratio verò, cur pro commemoratione sumantur Antiphona ad *Magnificat* & *Benedictus*, ea esse potest; quia sunt nobiliores Antiphona, tam ratione Cantorum Evangelicorum, tum vicinioris aditus ad Orationem, seu Collectam, quæ dicitur pro commemoratione.

32 Commemoration de Dominica, vel de Feria maiori, vel de die Octaua SS. Petri & Pauli (si in ea occurrit nobilius Festum) qua habet Homiliam cum suo Euangeliō, addit preterea Lectionem eiusdem Homilia in fine tertij Nocturni pro nona Lectione, id est, vel primam tantum de Homilia, vel tres in una simul Lectione coniunctas. Sicut enim in Missa pro commemoratione Dominicæ,

nica,

nicæ, vel dictæ Feriæ, vel diei Octauæ, populo legitur Euangelium in fine Missæ, ne sit Euangelium aliquod in Missali, quod non aliquando legatur populo; ita conuenit, ut in Choro exponatur illud idem Euangelium per Homiliam in fine Officij Marutini, in quo paulò ante per aliam Homiliam declaratum est Euangelium principale Festi, & Officij.

33 De Sanctis autem, qui propriam Lectionem habent de vita & gestis ipsorum, conuenit etiam ut legatur ad instructionem Cleri, quæ erit nona, si una est, vel de duabus fiat vna; quam congruentissimè sequitur laus diuina per Hymnum *Te Deum*. Quod si Hymnus hic non sit dicendus, omittitur eo casu Lectio de Sancto; quia Responsorium nonum, quod vice Hymni *Te Deum* dicitur, non benè quadrat Lectioni de Sancto, sed benè Lectioni Homiliae; & ideo nona Lectio est de præcedenti eadem Homilia.

34 Dixi, qui propriam Lectionem habent, non appropriatam de Communi, ut in Festis SS. Naboris & Felicis, S. Margaritæ, & aliorum. Et adest exemplum in Festo S. Augustini, cuius nona Lectio non est de sancto Hermete, quia propriam non habet laudem, si de Communi sumatur. Imò etiam in Rubrica de *Translat. Festorum nn. 9.* expressè habetur; *Si propriam, inquit, de vita Sancti habuerit Lectionem.*

35 Si vero duæ commemorationes occurrant in eodem Officio, scilicet Dominicæ, vel Feria maioris, quæ habet Homiliam, & Simplicis Festi, quod habet propriam Lectionem, tunc omittatur Lectio de Sancto, & legatur Homilia; quia Domi-

nica & Feria maior digniores sunt Festo Simplici: imò & omititur, quando in feriali Officio Feria maioris tres tantum leguntur Lectiones, quia non dicitur Hymnus *Te Deum*, sed tertium Responsorium, quod non responderet Festo Simplici; vel certè ideo fit infra Octauas Paschæ & Pentecostes, quando in ijs occurrit Festum Simplex, quia párum legitur de solemniori Festo, quod non videatur minuendum, dempta illius tertia Lectione pro Lectione de Sanctis.

36 De die infra Octauam non legitur nona Lectio, licet habeat in Breuiario & Octauario Homiliam qualibet die; quia Euangelium lectum est in die Festo, & repetitur infra Octauam sàpè; neque legitur in fine Missæ, licet de ea fiat in Missa commemratio: imò, neque si habeat Euangelium diuersum ab Euangeliō Festi, quod accidit infra Octauam Apostolorum Petri & Pauli, & conceditur in Octauario Romano *Notat. 4.*

37 Accidit alicubi, quod Octaua Apostolorum Petri & Pauli occurrat in Dominicæ, in qua fit de Titulari Ecclesiæ cum commemorationibus Octauæ, quæ habet proprium Euangelium, & Dominicæ: quare, quodnam Euangelium cum sua Homilia legetur pro nona Lectione, Octauæ, an Dominicæ? illa enim, quæ Duplex est, dignior est Dominicæ. Nitilominus ego legerem potius Euangelium Dominicæ: neque enim vacare permittitur aliqua Dominicæ per annum, quin de ea, saltem in Sabbato præcedenti, fiat commemratio, ut dictum est supra cap. 5. & hoc ratione fit Euangelij, ut legantur populo per annum in Missa omnia Evangelia Dominicalia; si vero

44 Comment. in R̄ubr. Breuiarij. Sect. III. Cap. XI.

in Missa est legendum, ergo & in Officio. Reliquum est, vt significemus ordinem commemorationum.

38 Quando contingit fieri plures commemorationes, seruetur hic ordo. De Duplici fiat ante Dominicam, de Dominica ante Festum Semiduplex, de Semiduplici ante diem infra Octauam, de Octaua ante Ferias maiores, & de his ante Festum Simplex. Hęc Rubrica *de commem. nū. 11.*

39 Latet hęc quod pauci norunt. Cur enim de Semiduplici ante diem infra Octauam, cùm in concurrentia Semiduplicis cum die infra Octauam dixerimus suprà, fieri à Capitulo de die infra Octauam cum commémoratione Semiduplicis? ergo inde sequitur, quòd ordo commémoratio-num erit, de die infra Octauam ante Semiduplex. At vide disparitatem. Nam in ratione Officij diuiduntur Vesperæ, ita vt ad præcedens Festum prima pars spectet, ad sequens altera à Capitulo; sed in ratione simplicis commémorationis, puta quando Se-miduplex concurrat cum Duplici infra Octauam Festi habentis Octauam, quia Semiduplex Festum est nobilius per se loquendo (quia Festum est) quā dies infra Octauam, quæ est continuatio Festi, vt diximus suprà cap. 8. num. 4. idcirco fit commémoratio Semiduplicis ante diem infra Octauam. Casum habes in terminis in secundis Vesperis sancti Thomæ Cantuariensis, quando concurrit cum Festo sancti Siluestri, in quibus integræ Vesperæ sunt de Duplici cum commémoratione sancti Thomæ Semiduplicis, & deinde Octaurum.

40 De sancta Maria in Sabbato, si in Feria sexta fiat Festum nouem Lectionum, fit commémoratio ante Fe-

stum Simplex, quod celebratur in Sabbato.

41 De Festo Simplici fit commémoratio ante suffragia Sanctorum, seu communes commémoratio-nes, de Cruce, sancta Maria, &c. & ante commémorationem cuiusque Tituli vel Patroni Ecclesiæ, quæ forte omnibus suffragijs præponeretur pro sui dignitate, veluti sanctissimæ Trinitatis, Corporis Christi, &c. quia, cùm hęc commémoratio-nes dicantur, & sint communes, cedunt simplicibus, quæ eo die locum proprium & festiu-um habere debent, ita seruos suos honorante ipsomet Deo, & quasi locum cedente in eorum Festo.

42 Denique fit commémoratio tantum Festi Simplicis in Vesperis de Feria, quando postridie de eodem facienda est tantum commémoratio ob occurrentem Feriam quartam Cinerum, seu Feriam quartam aut sextam Temporum, aut Vigiliam; quia non habet Officium, ergo neque primas Vespertas: sicut etiam omittitur & ipsa commémoratio in Feria quarta maioris Hebdomadæ, cùm in sequenti Feria nihil fiat de Festo Simplici.

43 Ratio prædicti ordinis patet. congruit enim qualitati Festorum & Officiorum; & eo ordine, quo Festa prædictorum fierent, eodem facienda sunt solemnes, non communib[us] comparatae, commémoratio-nes.

*De Patrono loci, & Titulo
Ecclesiæ.*

CAP. XII.

Patroni Festum fieri congrue docuimus suprà cap. 2. ex Micro. cap. 43. & Radulphi Propos. 17. & fieri sub ritu Duplici prime